

La Quotidiana 28-9-2012, p. 19

## Program da cultura

(cp) Ils 29 da settember lantscha cultuRa+, il program da cultura da la Lia Rumantscha, la stagiun d'atun 2012 cun in di cun e davart art e cultura.

*Justina Derungs* cumenza la saira cun extracts da ses nov toc da teater «Celestina». Silsunter discuteschan *Gianna Olinda Cadonau*, cultuRa+, *Manfred Ferrari*, Postremise Cuira, *Sonja Hägeli*, Fundaziun Ernst Göhner, *Carlo Portner*, cumissiun da cultura dal Grischun ed *Annina Sedláček*, artista, davart la «promozion e >dischpromozion< da la cultura». *Anna Serarda Campell*, redactura RTR, maina la discussiun. Plinavant propona l'actur *Tobias Durband* sia via co prender per mauns l'art e ses basegn cun sia performance «punctart». *Rezia Ladina Peer*, *Andi Schnoz* e *Rolf Caflisch* cumpletteschan il di cun soul rumantsch ed anglais.

En la stagiun d'atun 2012 coproducescha cultuRa+ trais projects. A la Sonda lunga (Langer Samstag) a Cuira programmescha cultuRa+ tranter auter ina preschentaziun da la furmaziun «(C'est) si B.O.N.», ina furmaziun experimentala cun commembers da «Ils Fränzlis da Tschlin». La segunda coproducziun è l'ediziun rumantscha da la tura auditiva «B wie Biancaneve», ina producziun da Trickster-p che vegn inscenada en il teater da Cuira. La terza coproducziun da quest atun fa cultuRa+ ensemen cun Weekly Jazz.

**«In di da cultuRa+» Kunst bedarf Kunstbedarf, nus duvrain art dovra ils 29 da settember 2012, a partir da las 16.00**

**Chasa Rumantscha, Via da la Plessur 47, Cuira  
La bar è averta a partir da las 16.00. L'entrada è gratuita.**

**Il program detaglià chattais Vus en agiunta e sin [www.liarumantscha.ch](http://www.liarumantscha.ch)**